

繁密肩摩而領接在昔廟學掃地又無堅砥可攷以致五代以上罔究則其下當宋遼扼邊受兵之地仍及我元初天兵南指河朔後蘇非兵火以灰之邪不然御史柳公榮陽鄭公嘗守是邦曷乃絕迹乎此且二程先生其祖五世而上塋阡在焉屢嘗命駕過謁祖墓曷無文以遺此我世祖隆興聖聖相承崇儒重道之旨累形綸音時至元丙寅柳中人篤祿美世監是州也太守邢臺劉復泉同謀起廢聿新殿宇肇像大成以實正位飾塑顏孟配座左右閔冉曾等十賢

疏東西向以從祀嚴古制也自後監州者厯杜郭高朱四公續建講堂齋舍於東西廡增塑七十肖貌以列中則其廟學方具體徑遭泰定丁卯浹至元丙寅忽五紀有二其年六月高陽郭克明德昭來知州事開府越翼日行香謁大成廟腐敗卑陋罔堪行事公即感念啓廣新之志然由下州蒞民積獄理之不暇因閣是議時蒙古氏徹里帖木兒適監州事與諸寮佐協恭作州餘二載政清人和公權輿于前儀同寅僉躋之隨偕在官同祿者各捐俸金楮幣社長里